

[Home](#) / [2025](#) / [March](#) / UiTM Seri Iskandar Anjur Program Kelestarian Alam, Suri 3R

SDG

06/03/2025 / DR NOR EEDA ALI



Seri Iskandar, 18 Januari 2025 – Universiti Teknologi MARA (UiTM) menerusi Kampus Hijau telah dijemput bagi melaksanakan Program Ceramah & Bengkel Kelestarian Alam oleh penganjur Persatuan Suri Rumah Rahmah Malaysia dan Kementerian Pembangunan Wanita. Program Ceramah & Bengkel Kelestarian Alam: Suri 3R “Langkah Kecil Impak Besar” yang diadakan di Bilik Seminar Orchid 2, Tingkat 3, D’Hotel, Bandar Seri Iskandar Perak dapat membantu usaha kerajaan dalam mencapai Matlamat Pembangunan Mampan (SDG) 2030 dengan penyertaan seramai 35 peserta di pelusok

negeri Perak. Program ini telah berkongsi tentang inisiatif terkini kerajaan pada perkara 12.5 mensasarkan pengurangan penjanaian sisa secara signifikan melalui pencegahan, pengurangan, kitar semula dan penggunaan semula menjelang 2030.

Majlis perasmian disempurnakan oleh Pn Siti Suzilah Saini, Timb Presiden Persatuan Suri Rumah Rahmah Malaysia yang menekankan betapa pentingnya program ini dalam membimbing suri rumah muda berperanan dalam Masyarakat dan komitmen UiTM terhadap pendidikan dan tanggungjawab sosial dalam menyumbang kepada pembangunan komuniti. Ceramah Kelestarian Alam oleh Gs. Dr. Nor Eeda Haji Ali lebih kepada Pengurusan Sisa Pepejal Amalan 3R dan Kesan kepada Masyarakat. Sejurus itu, dua bengkel yang dijalankan daripada bahan kitar semula. Bengkel Pertama: Sabun dari Minyak Masak Terpakai oleh tenaga pengajar Pn Hairulnisak Merman dan Bengkel Kedua: Baja Organik dari Sisa Dapur oleh tenaga pengajar Pn Rosmawati Abdul Aziz.





Bengkel ini diadakan bagi meningkatkan kesedaran masyarakat mengenai gaya hidup sihat serta kesejahteraan alam sekitar. Produk sabun dari minyak masak terpakai dihasilkan bagi mengurangkan sisa pepejal di kawasan pelupusan dan bertujuan untuk menjimatkan perbelanjaan untuk menghasilkan bahan yang bermanfaat. Membuat kompos adalah cara semula jadi bahan organik dikitar semula. Ianya adalah proses di mana bahan-bahan organik direputkan oleh mikroorganisma dalam keadaan beroksigen. Hasilnya, proses pengkomposan ini akan menguntungkan alam sekitar sebagai baja semulajadi.

Justeru itu, program ini diperkenalkan sebagai langkah jangka panjang untuk membentuk sikap positif masyarakat terhadap kitar semula. Dapatan menunjukkan bahawa suri rumah telah memahami dan menyedari kepentingan Kelestarian Alam serta Program Kitar Semula dan semoga ianya dapat mempratikkan amalan.

Penulis : Gs Dr Nor Eeda Haji Ali, Pn Hairulnisak Merman, Pn Rosmawati Abdul Aziz dan Gs Dr Nurain Mohd Talmizi



Tags: [Kampus Hijau](#), [Kementerian Pembangunan Wanita](#),
[Persatuan Suri Rumah Rahmah Malaysia](#), [Universiti Teknologi MARA \(UiTM\)](#)



Phase 1 Unlocked: EET699
Workshop in Action!

Webinar Live: Memahami Impak
Penyakit Kardiovaskular Terhadap
Kualiti Hidup Melalui Pengajaran
Kolaboratif 

QUICK
LINKS

- Ministry of Higher Education
- Academic Calendar
- Intake Calendar
- Graduate Quick Search
- Library
- UiTM Holdings
- WiFi UiTM
- E-Complaint

HUBUNGI
KAMI

Universiti Teknologi MARA
(UiTM)
40450 Shah Alam, Selangor
Darul Ehsan
Malaysia

Tel: +603-5544 2051 / 2000

